



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-558/13  
Sarajevo, 25.4.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIJELAZNO: 26-04-2013			
Organizaciona jedinica	Klasifikaciona oznaka	Redni broj	Broj lista
01-50-1-15		42/13	

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 47. sjednici održanoj 25.4.2013. godine, utvrdilo je Odgovor na zastupničko pitanje koje je postavio Adnan Bašić, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupniku.

S poštovanjem,

  
**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-558/13  
Sarajevo, 25.4.2013. godine

**ADNAN BAŠIĆ**, poslanik u Predstavničkom domu Parlamentarne skupštine Bosne i Hercegovine, na 42. sjednici ovog Doma održanoj **14. februara 2013. godine**, postavio je Vijeću ministara BiH odnosno Ministarstvu sigurnosti BiH sljedeće poslaničko pitanje koje glasi:

**„Obzirom na porast maloljetničke delikvencije koja rezultira svirepim ubistvima, od kojih niko nije pošteđen, postavljam poslaničko pitanje: Šta će Vijeće ministara preduzeti da se suzbije ovaj fenomen?“**

Na postavljena pitanja, Vijeće ministara Bosne i Hercegovine je na **47.** sjednici održanoj **25. 4. 2013.** godine, utvrdilo sljedeći

**ODGOVOR**

**Ministarstvo sigurnosti Bosne i Hercegovine** na postavljeno poslaničko pitanje daje sljedeći odgovor:

Strategija protiv maloljetničkog prestupništva u Bosni i Hercegovini (2006.-2010. godina) sa Akcionim planom kao integralnim djelom Strategije, usvojena je od strane Vijeća ministara BiH na 125. sjednici održanoj 27. 07. 2006. godine, a objavljena u „Službenom glasniku BiH“ broj: 14/08 od 19. 02. 2008. godine. Odlukom Vijeća ministara BiH sa 46. sjednice, koja je održana 08. 05. 2008. godine, imenovano je Koordinaciono tijelo za provođenje i praćenje izvršenja aktivnosti iz Akcionog plana Strategije protiv maloljetničkog prestupništva u Bosni i Hercegovini. Koordinacionim tijelom su predsjedavali predstavnici Ministarstva za ljudska prava i izbjeglice BiH.

Obaveze Ministarstva sigurnosti BiH ogledale su se u realizaciji aktivnosti po strateškom cilju „Prevenција“, i one su bile ispunjene u cjelini, jer su predstavnici Ministarstva sigurnosti BiH aktivno učestvovali u radu Koordinacionog tijela. U cilju realizacije aktivnosti strateškog cilja „Prevenција“, koordinirane su aktivnosti i sačinjen je Prijedlog Programa prevencije maloljetničkog prestupništva u BiH, koji je trebao predstavljati okvir za preduzimanje preventivnih aktivnosti na državnom, entitetskim, kantonalnim i gradskim/općinskim nivoima.

Pomenuti Prijedlog Programa prevencije maloljetničkog prestupništva u Bosni i Hercegovini, nije upućen na razmatranje i usvajanje Vijeću ministara BiH. Naime, Koordinaciono tijelo je donijelo zaključak da pomenuti Prijedlog ne treba upućivati na razmatranje i usvajanje Vijeću ministara BiH, jer je 31.12.2010.godine, isteklo važenje Strategije protiv maloljetničkog prestupništva u BiH za period 2006.-2010.godina, a i zbog negativnog mišljenja Vlade Republike Srpske vezano za ovu problematiku.

Ministarstvo za ljudska prava i izbjeglice BiH formiralo je i stručni tim koji je bio zadužen za izradu dokumenta „**Djeca u sukobu za zakonom u BiH 2011.-2014.godina (Strateško usmjeravanje aktivnosti).**“

Ministarstvo sigurnosti BiH, iako je u periodu važenja Strategije protiv maloljetničkog prestupništva u BiH (2006.-2010.), bilo nosilac implementacije strateškog cilja „Prevencija“, je bilo isključeno iz procesa izrade pomenutog strateškog dokumenta, a njegovom izradom je koordiniralo Ministarstvo za ljudska prava i izbjeglice Bosne i Hercegovine.

Iako se shodno odredbama Zakona o ministarstvima i drugim organima uprave Bosne i Hercegovine, pitanje maloljetničkog prestupništva, odnosno preduzimanje aktivnosti na suzbijanju ove negativne i zabrinjavajuće pojave ne nalazi u direktnoj nadležnosti Ministarstva sigurnosti BiH, podržavamo sve inicijative koje mogu doprinijeti povećanju stepena sveukupne sigurnosti u Bosni i Hercegovini.